



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Petri De Dusburg, Ordinis Teutonici Sacerdotis, Chronicon
Prussiae**

Petrus <de Dusburg>

Francofurti ; Lipsiae ; Regiom. Pruss., 1679

Cap. CCLV. De Apostasia Quinta & vindicta ejus.

urn:nbn:de:hbz:466:1-11850

runt; Et post in autumnno proximo utriusque Castri, scil. Raganitæ & Scalovitarum suburbia destruxerunt.

C A P. C C L V.

De

Apostasia Quinta & vindicta ejus.

HOc anno Bolislaus Dux Masovia, de quo dictum est, dolens de subversione Castri sui Wisne, assumpto sibi Lethovinarum adjutorio, reedificavit illud, quod cum perciperet Magister, turbatus ultra modum. Timuit enim sibi & suis fidei & fidelibus iterum nova pericula suboriri; Demandavit omnibus sibi subjectis, à Majore usque ad minimum ut ad bellum se præpararent, si quomodo posset ædificationem impedire. Sed antequam fratrum exercitus conveniret & dispersus est in diversis locis; Nattangi, Diabolico spiritu instigante, consuetam malitiam innovantes, in opprobrium Jesu Christi apostasie vitium iterum commiserunt, quendam dictum Sabine in Ducem Exercitus eligentes. Principales & Capitanei hujus sceleris fuerunt Gauvina, Stanto, Trinta, Missino, & plures alii, quorum memoria transeat in oblivionem perpetuam, qui ad perpetranda hujusmodi malitiam sic se ordinaverunt, quod Stanto prædictus cum quibusdam suis complicibus, occultè & fraudulenter intravit Castrum Bartenstein, & fratrem Rudolphum dictum Bodemer, & fratrem Fridericum de Libencele cum eorum familiâ captivavit. Sed Missino cum viris de territorio Sclunien equos fratrum de Kunnigsberg deprædavit. Cæteri discurrentes per terram, viros Teutonicos occidentes, mulieres & parvulos eorum ceperunt. Ecclesiis, & Ecclesie Sacramentis & ministris magnam verecundiam facientes. Sed Deus, qui in

se

*Conradus de Feuchtwangen X. Mag. Gener. Ord. Teut.
Mencko de Querfurt XII. Mag. Prov. in Prussia.*

se credentes populos nullis finit concuti terroribus, sed sua pietate concessâ pace, Christianorum fines ab omni hoste facit securos, quorundam in hac apostasia corda divinitus illustravit, qui omnia secreta hujus malitiæ detexerunt. Quo facto Commendator de Kunnigsberg cum Exercitu rediit festinus de territorio Wohensdorff, volens rebellionem Nattangia castigare. Quod cum perciperent viri de territorio Sclumen, poenitentia ducti, retulerunt equos fratrum de Kunnigsberg, obligantes se, quod vellent fratribus & fidei fideliter adharere: Alii captivos reddiderunt, & sic terra Nattangia in pace quievit. Sed dum Commendator de Kunnigsberg cum suo Exercitu rediret, ut dictum est, Sambita & maximè Russici conspirationem fecerunt, ut omnes suos nobiles occiderent, & postea fratres & Christi fideles invaderent manu forti, eligentes sibi quendam Juvenem dictum Naudiecam, filium Joduca, in Ducem belli, qui illa vice non audens contradicere invitatus consensit. Sed post dies XIV. in praesentia Magistri & fratrum in Castro Kunnigsberg omnia secreta hujus Apostasia & principales auctores nominatim detexit. Undè Magister & alii attendentes, quod impunitas scelerum intentionem auget delinquendi, omnes illos, qui hujus detestabilis criminis reos invenit, fecit justo DEI Judicio diversis suppliciis trucidari, & sic iterum pax reddita est Christianis.

CAP. CCLVI.

De

Quodam fratre.

HOc tempore quidam frater in Castro (a) Wellais in infirmitate agonizans reclinatus in sinum fratris Theodorici Sacerdotis, jacens, raptus fuit per longum tempus, & vidit mirabilia